

Մայրենիի (ընթերցանության) օլիմպիադա
Մարզային փուլ, 6-րդ դասարան
2025-2026
Տևողությունը՝ 120 րոպե



ԲԱՐԻ ՁԿՆՈՐՍԸ

Ըստ ճապոնական հեքիաթի

• **Միրելի՛ աշակերտ, ուշադիր կարդա՛ տեքստը:**

Մի ժամանակ Ուրասիմա Տարո անունով մի ձկնորս էր ապրում: Նա շատ բարի ու քնքուշ սիրտ ուներ: Այս Ուրասիմա Տարոն մի օր քայլում էր ծովափով և տեսնում է մի խումբ երեխաների, որոնք աղմկում էին: Նրանք բռնել էին մի մեծ կրիա և տանջում էին:

-Մի՛ տանջեք կրիային, մեղք է: Դրան ի՛նձ տվեք:

Տարոն փրկում է կրիային և ազատ արձակում:

Անցնում են օրեր: Ինչպես միշտ, այդ օրն էլ Տարոն նստում է նավակ, բաց ծով է դուրս գալիս՝ ձուկ որսալու:

Հանկարծ մեկը ձայն է տալիս.

-Ուրասի՛մա Տարո, բարի՛ մարդ:

Ձկնորսը շրջվում է և տեսնում, որ ծովի ջրերի վրա տատանվում է մի մեծ կրիա: Նա գալիս է դեպի նավակը, գլուխ տալիս ձկնորսին և ասում.

- Ես այն կրիան եմ, որին Դուք ազատեցիք: Շատ շնորհակալ եմ Ձեզնից: Ի նշան երախտագիտության՝ ես Ձեզ կուղեկցեմ ծովային վիշապի պալատը, ուր Դուք կապրեք ուրախ, անհոգ և անմահություն ձեռք կբերեք:

Կրիան նստեցնում է Ուրասիմային իր մեջքին ու բերում ծովային վիշապի դղյակը: Պալատը շլացուցիչ էր՝ իր թանկարժեք քարերով ու երփնավառ խեցիներով: Արքայադուստրն ու ձկները դիմավորում են Ուրասիմային:

- Զգացե՛ք Ձեզ ինչպես Ձեր տանը,- ասում է արքայադուստրը:

Հետո ձկնորսին ընտիր խորտիկներ և օշարակ են տալիս: Հյուրասիրությանը հետևում է համերգ: Պերկեաները, տափակաձկներն ու ութոտնուկները զվարճալի պար են բռնում ձկնորսի շուրջը:

Օրերը թռչում են իրար հետևից: Ձկնորսը չի էլ նկատում, թե ինչպես է անցնում ժամանակը:

Բայց շուտով նա կարոտում է ցամաքին, իրենց գյուղին և մարդկանց: Արդեն վաղուց նա մահկանացու չէր տեսել: Նա սկսում է ավելի ու ավելի հաճախ մտածել իրենց տան, գյուղի մասին:

Տեսնելով նրա տրտմությունը՝ արքայադուստրը նորանոր զվարճալիքներ էր հորինում, որ ձկնորսին պահի իր պերճ դղյակում:

Բայց մի օր ձկնորսն արցունքն աչքին խնդրում է իրեն տուն տանել:

-Այդ դեպքում,— ասում է արքայադուստրը,- ես նվիրում եմ Ձեզ այս արկղիկը: Բայց հիշեցե՛ք՝ ինչ էլ պատահի, սա չբացեք:

Ուրասիմա Տարոն նորից նստում է կրիայի մեջքին, և կրիան նրան փափ է հանում: Ձկնորսը գնում է դեպի իր գյուղը: Բայց գյուղն անճանաչելի էր դարձել: Չկար այն տունը, ուր մի ժամանակ ինքն էր ապրել: Չկային իր ճանաչած մարդիկ: Բոլորը զարմանքով նայում էին օտարականին, նրա հնաժողովին: Լսում էին նրա խոսքը և ավելի զարմանում: Ինչ-որ ուրիշ կերպ և այլ բաներով էր խոսում այս անճանաթը: Խեղճ ձկնորսն այստեղ՝ մարդկանց մեջ, իրեն ավելի մենակ ու լքված էր զգում, քան ծովի հատակին:

Մի օր էլ մոռանում է արքայադուստր պատվերը և բացում է արկղիկը: Արկղիկից սպիտակ ծուխ է ելնում: Հենց որ ծուխը դիպչում է Ուրասիմայի մազերին ու մորուքին, դրանք ձյան պես սպիտակում են: Ուրասիմա Տարոն ջահել տղամարդուց վերածվում է կնճռոտ ծերունու: Նա կորցնում է անմահությունը:

Իսկ հիմա կատարի՛ր առաջադրանքները: Քեզ մաղթում ենք առավելագույն ուշադրություն և բարձր տրամադրություն:

1. Ի նշան երախտագիտության՝ ի՞նչ արեց կրիան: Ընտրի՛ր ճիշտ պատասխանը: 1 մ.
- 1) Ուրասիմային նավակով տարավ ծովային վիշապի դոյակը:
 - 2) Ձկնորսին ընտիր խորտիկներ և օշարակ հյուրասիրեց:
 - 3) Հրամայեց, որ արքայադուստրն ու ձկները դիմավորեն Ուրասիմային:
 - 4) Ձկնորսին ուղեկցեց ծովային վիշապի պալատը՝ անմահություն ձեռք բերելու:
 - 5) Տարոյին կախարդական արկղիկ նվիրեց:

2. Տեքստից դո՛ւրս գրիր այն նախադասությունը, որն ապացուցում է, որ Ուրասիմա Տարոն բարի էր: 1 մ.
-

3. Տեքստից դո՛ւրս գրիր 2 բառ, որոնցով բնութագրված է Ուրասիմայի սիրտը: 2 մ.
-

4. Տեքստից դո՛ւրս գրիր *ապարանք* բառի երկու հոմանիշ: 2 մ.
-

5. Կարո՞ղ ես տեքստում գտնել և դուրս գրել 3 բառ, որոնք ծովային կենդանիներ են մատնանշում: 3 մ.
-

6. Քո կարծիքով՝ ինչի՞ց սկսվեցին Ուրասիմայի արկածները: Խոսքդ շարադրի՛ր քո բառերով : 3 մ.
-
-
-

7. «Ինչպես միշտ, այդ օրն էլ Տարոն նստում է նավակ, *բաց ծով է դուրս գալիս*՝ ձուկ որսալու»: 3 մ.
Ընդգծված նախադասության իմաստը գրի՛ր այնպես, ինչպես դու ես հասկանում:
-
-
-

8. Ըստ քեզ՝ ձկնորսը երջանի՞կ, թե՞ դժբախտ էր ծովային վիշապի պալատում: 5 մ.
Ասելիքդ հիմնավորի՛ր 4-5 նախադասությամբ:
-
-
-
-
-

9. Օգտվելով տեքստի բառապաշարից՝ 4-5 նախադասությամբ նկարագրի՛ր Ուրասիմայի հոգեվիճակը իր գյուղը վերադառնալուց անմիջապես հետո: 5 մ.
-
-
-
-
-

10. Մի քանի նախադասությամբ բնութագրի՛ր այն երեխաներին, որոնք տանջում էին կրիային: 5 մ.
Քո վերաբերմո՛ւնքն արտահայտիր նրանց արարքի նկատմամբ:

11. Ի՞նչ ես կարծում, Ուրասիման կբացե՞ր արկղը, եթե իմանար, որ զրկվելու է անմահությունից: 5 մ.
Տեսակետդ հիմնավորի՛ր 4-5 նախադասությամբ:

12. Քո կարծիքով՝ ճի՞շտ կլինեն, որ մարդիկ անմահ լինեին: Կարծիքդ հիմնավորի՛ր 5 մ.
4-5 նախադասությամբ:

13. Փոխի՛ր պատմության ավարտը և նկարագրի՛ր, թե ինչ կլինեն, եթե Ուրասիմա Տարոն երբեք էլ չբացեր արկղը: 8 մ.

14. Պատմության համար նոր վերնագի՛ր հորինիր: 2 մ.

Ընդամենը՝ 50 միավոր:

Ուշադրություն

- Տեքստից բառացի արտագրված նախադասությունների համար միավոր չի տրվում:

Հանրապետական հանձնաժողովի նախագահ՝ Հասմիկ Հովհաննիսյան